

調伏消四負於冤氛享安樂福而痼病烟收  
結歡喜緣而究仇亦散黑編削字音簡賂名  
更莫混元仙曹化生靈職神通密運俾經絡  
藏府之重完聖變潛彰庶魂魄精神而再造  
證法身之清淨全妙體之輕盈飛步虛无疑  
真空洞蒙如丹橋允荷玄恩去不勝虔祝之  
至

三獻

以今夜添澄清宸華照耀願承流於丹陛恪  
在職於玄壇伺召靈儀來參聖慕心病身病  
之解脫風定波澄人相我相之齊同雲收月  
皎返萬神於死蒂復五炁於生根扣首皈依  
勤奉伺命為如上緣志心稱念慈悲救苦天  
尊和不可思議功德  
靈寶頌救濟度金書卷之三十一

靈寶頌救濟度金書卷之三十七

洞微高士關光救苦真人壽全真授

靈寶通玄弘教水南先生林靈真編

科儀立成品通用

宿啓儀

步虛

燒香頌

宣衛靈呪

東方

各禮師存念如法

九炁青天 明星大神 煥照東鄉 洞映九門

轉燭陽光 掃穢除氛 闡明童子 號曰玄卿

備衛我軒 上對帝君 收魔束袂 討捕兇群

奉承正道 赤書玉文 九天符命 攝龍驛傳

普天安鎮 我得飛仙 和與道合真

南方

三炁丹天 煥景流光 熒星轉燭 洞煥太陽

上有赤精 合契虛皇 闡明童子 號曰華芳

總御火兵 備守玉堂 斬邪束袂 剪穢魔王

北帝所承 風火衝當 流鈴交煥 翊衛壇場

正炁流行 敢有猖狂 我奉上功 坐運魁罡

億劫長存 保天無疆 和與道合真

西方

七氣素天 太白流精 光耀金門 洞朗太冥

中有素黃 號曰帝靈 保神安鎮 衛我身形

斷絕邪源 王道正明 宮殿整肅 三景齊并

道合自然 飛升紫庭 靈寶符命 普衛萬生

元皇正氣 來合我身 功加一切 天地咸寧

北方

北方玄天 元始徘徊 辰星轉燭 洞煥太微

黑靈尊神 號曰層威 統冠飛天 仙裾羽衣

備守五門 檢精捕非 敢有干試 謫落斬摧

玉符所告 神真八威 邪門閉塞 正道流輝

三光映照 我身無衰 策空駕浮 舉形仙飛

和與道合真

中央

黃炁中央 調理乾坤 陶鑄陰陽 總統玄真

鎮星吐輝 流耀九星 闡明童子 號曰天璣

陽炁燄上 朱煥炎精 洞照內外 運我身形

百邪摧落 攝役鬼靈 中山神呪 普天使聞

五靈安鎮 身飛上清 和與道合真

鳴法鼓二十四通

無上三天玄元始三炁太上道君召出自身  
中三五功曹左右官使者侍香金童傳言散  
花玉女五帝直符直日香官各三十二人出  
出者嚴裝闢啓玄壇天帝神君當召此間土

地里域真官正神以今奉為入意祈息

玉闕進拜朱章願符

玉清道衣靈寶妙光下降流入目等身中即

使紫精鬱勃玉闕開明五老輪根萬帝攝黃

體圓珠映乘景駘宸金光煥赫御炁上清令

所啓速達便御

太上无極大道無形無名虛無自然金闕玉

陛下

請稱法位

具位奉行 某齋法事小九 某與臨壇官眾

等今故燒香願以是功德上為

天子王侯土地官長經師籍師度師及山林

巖樓學真道士同學門人弟子某所為亡靈

七世父母九親姻族天下人民竭盡蠢動致

行喙息一切眾生今故燒香皈身皈神皈命

十方至真自然无極大道乞向原赦前生今

世生死宿罪重過得免難三惡之道五苦八

難九厄之中身得道真飛行虛空白日昇

天侍衛道君通達无上金闕七寶自然官殿

水與道合所啓玄感應聲上御

至真无極道前

知磬舉禮十方從北為始眾官每方

一拜

至心皈命禮北方无極太上靈寶天尊

次東方 南方 西方 東北

東南 西南 西北 上方

下方 並同

舉禮足各長跪皈命虔誠懺悔

法師長跪宣坐懺眾官各長跪

法眾等至心皈身皈神皈命

十方无極太上靈寶天尊以今宿啟告齋焚

香懺悔修齋弟子某及法眾等自從曠

劫以來至于今日或身形所犯四肢舉措動

違戒律不依經典或心業所犯志念不專情

淨意動馳騁不息或口業所犯善惡運論綺

言飾非華辭惑眾因今懺悔並乞蕩除官願

且等及修齋弟子身入至仙會道合真神合

真寂洞入自然性命合道玄會無為志心稽

首禮謝

无上至真三寶

三禮

志心稽首禮太上無極大道

志心稽首禮三十六部尊經

志心稽首禮玄中大法師

重稱法位

具位 某與臨壇官眾謹重誦上啓

虛无自然元始天尊无極大道太上道君太

上老君高上玉皇十方已得道大聖眾至真

諸君文人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上官靈寶至真明皇道君三十六

部尊經玄中大法師上相上宰上保上侍太

平下教二十四真人西城總貢王君太元真

人東嶽上卿司命某君定錄保命二真人各

山洞府得道神仙三界官屬一切真靈等

杜機散材野蓬陋質叨承宿慶獲際真乘佩  
八會之金章宅心道域窺九光之玉訣游跡  
玄關師匠提携天工參贊每檢神於塵路莫  
練景於林幽寸進悠悠分陰切切緬惟補過  
責在立功三錄威儀度人炳繁星之訓九幽  
科品披亡垂湛露之恩誓敷暢於玄風肅密  
禪於化日凡有投告盡為闡聞齋主青詞謹  
當宣奏

宣詞

按如詞旨實可矜憐臣鍊質澄心修齋勵志  
遵依黃律羅列玄壇法天象地以三成呼陰  
召陽而九奏靈風玉籟幡花藉繫於玄虛霏  
霧金篆寶篆飄翻於碧落鳳繒効款龍壁投  
誠自今月某日為始為齋主某修建某齋某  
晝夜燒香行道禮懺轉經降紫閣之靈光開  
黑都之幽暗皈神十極請命三元給符誕敷  
澤潤九原而不夜符章流布油濡六洞以皆  
春沐浴客塵返還祖炁謹依科法宿以啓聞  
恩惟  
太上三尊十極眾聖垂慈鑒映省覽所陳敷

勸靈寶官僚土地主執虛空監察感應靈祇  
協力同心通天人之影響宣威布武掃內外  
之氛氳道炁充日月杖魔滅試令臣等百闕和  
暢五體虛融對咫尺之天顏運神會道露方  
寸之民欲合景凝真庶齋福以周圓運宸思  
而覆蔭明晨行道續更啓聞臣誠惶誠恐稽  
首頓首再拜以聞

十二願

- 一願乾坤明素
- 二願氣象清玄
- 三願聖君萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢
- 十一願齋功廣被
- 十二願善瑞日臻

復爐

香官使者左右龍虎君侍香諸靈官當令臣  
建齋之所自然生金液丹碧芝英百靈聚真  
交會在此香火爐前令臣學道得道求仙得  
仙齋主受福幽顯沾恩十方仙童玉女侍衛  
香烟傳臣向來所啓之誠速達徑御

太上无極大道無形無名虛无自然金闕王  
陛下

出堂頌

靈寶頌教濟度金書卷之三十七